



Ovaj projekat finansira  
Evropska unija



Ovaj projekat implementira GIP JCI

# EU4JUSTICE



Podrška borbi protiv organizovanog kriminala  
i korupcije u Bosni i Hercegovini

O PROJEKTU

# PRINCIPI ODRŽIVOSTI I VJERODOSTOJNOSTI

Aktivnosti koje će se realizovati u okviru EU4Justice projekta bit će realizirane u skladu sa sljedećim temeljnim principima održivosti i vjerodostojnosti:

- Analize, savjetovanja, razumijevanje prije predlaganja i djelovanja u skladu s evropskim standardima i sudskom praksom Evropskog suda za ljudska prava;
- Rad u bliskoj saradnji s Visokim sudskim i tužilačkim vijećem Bosne i Hercegovine (VSTV BiH);
- Rad sa sudijama, tužiocima i policijskim službenicima, zasnovan na kolegijalnom pristupu;
- Jačanje transparentnosti i pouzdanosti cjelokupnog istražnog i pravosudnog postupka, uključujući i odnos između tužilaca i medija;
- Unaprijeđenje multidisciplinarnih metoda rada tokom istražne faze;
- Predlaganje jasnog djelovanja da bi se osiguralo poštivanje prava žrtava/žalitelja;



# PROJEKAT **EU4**JUSTICE

Ugovorni organ:  
**Evropska komisija**

BGUE-B2018-22.020101-C8-  
NEAR DELBIH for IPA 2015  
Justice (objective1)

Referenca: EuropeAid/158603/  
DD/ACT/BA



**Trajanje projekta:**  
**24 mjeseca**  
1. februar 2019. -  
31. januar 2021.



**Budžet projekta:**  
**2,2 miliona eura**

Projekat **EU4Justice: Podrška borbi protiv organizovanog kriminala i korupcije u Bosni i Hercegovini** finansira Evropska unija a implementira GIP Justice Coopération Internationale (JCI).

**Opći cilj** projekta je unapređenje učinkovitosti, integriteta i profesionalnosti institucija sektora vladavine prava.

To će pomoći poboljšanju saradnje između tužilaštava i agencija za provedbu zakona da se poveća efikasnost istraga u predmetima organizovanog kriminala i korupcije.

Projekat će također ojačati kapacitete u pogledu ljudskih resursa i upravljanja radnom uspješnošću, kao i disciplinski okvir i postupke.

**Specifični ciljevi** projekta su:

- Unapređenje učinkovitosti istrage i krivičnog gonjenja u predmetima organizovanog kriminala i korupcije
- Jačanje integriteta, upravljanja ljudskim resursima i radnom uspješnošću, te odgovornosti institucija pravosudnog sektora.

## **5** glavnih komponenti & **25** aktivnosti



GIP Justice Coopération Internationale (GIP JCI, odnosno Grupa od javnog interesa "Međunarodna pravna saradnja") je odgovorna za implementaciju projekta. GIP JCI je provedbeno tijelo Ministarstva pravde Republike Francuske. Ono uključuje stručnost francuske pravne zajednice: sudije, tužioce, agencije za provedbu zakona, te Državnu školu za obučavanje sudija i tužilaca (ENM). Ono također pribiže francuskoj finansijskoj obavještajnoj jedinici (TRACFIN), Agenciji za oduzimanje imovine (AGRASC).

## KOMPONENTA 1.

### Jačanje nadzora i kontrole u tužilaštvima



**Aktivnost 1.1** - Provesti analizu žalbenih mehanizama i procedura protiv tužilačkih odluka i mehanizama nadzora nad odlukama tužilaca u tužilaštvima u svrhu utvrđivanja nedostataka i manjkavosti kontrole, te povećanja transparentnosti.

**Aktivnost 1.2** - Pojačati korištenje postojećih odredbi i mehanizama – ako postoje – za interni nadzor u cilju poboljšanja učinkovitosti tužilaštava. Pripremiti ciljne preporuke za rješavanje utvrđenih nedostataka putem kratkoročnih, srednjoročnih i dugoročnih mjera.

**Aktivnost 1.3** - Usporediti preporuke „Mišljenja br. 11 (2016) Konsultativnog vijeća evropskih tužilaca (CCPE) o kvaliteti i efikasnosti rada tužilaca, uključujući i u borbi protiv terorizma i teškog organizovanog kriminala”, koje je CCPE usvojilo na 11. plenarnoj sjednici (Strasbourg, 17.-18. novembar 2016. godine).

**Aktivnost 1.4** - Procijeniti stanje po pitanju neopravdane preraspodjele predmeta u sudovima i tužilaštvima (CMS/TCMS), naročito u pogledu predmeta organizovanog kriminala i korupcije, te ako je potrebno predložiti protumjere

**Aktivnost 1.5** - Izraditi plan rješavanja pretjerano dugih krivičnih istraga i sudskih postupaka kojim se krši pravo na pravično suđenje u razumnom vremenu i smanjuje učinkovitost

**Aktivnost 1.6** - Provesti analizu standarda u državama članicama EU u svrhu dodjeljivanja imuniteta i pregovaranja o priznanju krivice i pružiti ciljne prijedloge za izmjene zakona

## KOMPONENTA 2.

### Jačanje kapaciteta, resursa i nezavisnosti ureda disciplinskog tužioca (UDT)



**Aktivnost 2.1** - Predstaviti najbolju EU praksu po pitanju kapaciteta, vještina, znanja i kvalifikacija osoblja koje provodi disciplinske postupke protiv sudija i tužilaca u državama članicama EU, definirati osnovne karakteristike i uslove za to radno mjesto i uspostaviti ih kao osnovu za Analizu potreba za obukom (TNA)

**Aktivnost 2.2** - Izraditi profil kvalifikacija za osoblje UDT-a i članove komisije

**Aktivnost 2.3** - Usporediti profil kvalifikacija s postojećim vještinama i znanjima osoblja UDT-a i članova komisije (“analiza nedostataka i potreba”) i izraditi na toj osnovi module inicijalne i specijalizirane obuke u saradnji sa Centrima za edukaciju sudija i tužilaca u entitetima

**Aktivnost 2.4** - Izraditi i u koordinaciji s drugim donatorskim projektima implementirati koncept za postupanje po preporukama TAIEX misije stručne procjene disciplinskih postupaka u pravosuđu (JHA IND/EXP 62879), uzimajući u obzir mjere koje su već izradili VSTV i druge relevantne institucije



## KOMPONENTA 3.

Zajedničke interdisciplinarne obuke u svrhu postizanja boljeg odgovora na organizovani kriminal, korupciju i najčešće oblike krivičnih djela protiv privrede (krivična djela vezana za privatizaciju kompanija, utaju poreza, porezne prevare)

**Aktivnost 3.1** Mentorstvo

**Aktivnost 3.2** - Predstaviti najbolju praksu iz država članica EU za istrage i borbu protiv gore navedenih oblika krivičnih djela, uključujući i u pogledu uloge ureda za reviziju

**Aktivnost 3.3** - Realizovati zajedničke obuke zasnovane na predmetima za agencije za provedbu zakona, tužilaštva i sudstvo i usporediti istražne pristupe u BiH sa standardnim operativnim procedurama (SOP) u državama članicama EU

**Aktivnost 3.4** - Obučiti izabrano osoblje za provedbu zakona, tužioce, sudije specijalizirane za krivična djela protiv privrede, naročito za čitanje finansijskih izvoda i revizorskih izvještaja

**Aktivnost 3.5** - Izraditi Priručnik za istrage u najčešćim oblicima krivičnih djela protiv privrede koji će obuhvatiti upotrebu revizorskih izvještaja kao izvora informacija za istrage, uzimajući u obzir sve postojeće materijale

**Aktivnost 3.6** - Ohrabriti i razjasniti kako se ispravno koristi postojeći zakonski okvir u istragama, uključujući posebne istražne radnje (PIR), za postizanje boljih rezultata u borbi protiv organizovanog kriminala i korupcije

**Aktivnost 3.7** - Organizovati odvojene obuke za sudske vještake za sticanje stručnih vještina u vezi s njihovom ulogom u sudskom postupku

## KOMPONENTA 4.

Unapređenje sadašnje prakse i rezultata u pogledu zapljene i oduzimanja nezakonito stečene imovine



**Aktivnost 4.1** - Provesti analizu u pogledu učinkovite primjene važećih zakona o oduzimanju nezakonito stečene imovine s fokusom na fazu pokretanja i preprekama za izvršenje

**Aktivnost 4.2** - Ocijeniti infrastrukturu i raspoloživa sredstva entitetskih ureda za oduzimanje imovinske koristi (ARO-ova); identifikovati potrebe s posebnim naglaskom na informatičke zahtjeve

**Aktivnost 4.3** - Predstaviti utvrđene nedostatke relevantnim vlastima na svim nivoima i predložiti rješenja specifično namijenjena datim situacijama za dalju diskusiju (administrativna pomoć, međuagencijska saradnja, povećani resursi, revidirane i pojednostavljene procedure, itd.)



## KOMPONENTA 5.


Mehanizam praćenja koji će unaprijediti uzajamni pristup krivičnim spisima za agencije za provedbu zakona, tužilaštva i sudove

**Aktivnost 5.1** - Predstaviti najbolju praksu iz različitih država članica EU o praćenju krivičnih predmeta od policije do suda, posebno predmeta organizovanog kriminala i korupcije

**Aktivnost 5.2** - Izraditi koncept za unapređenje elektronskih radnih procesa na relaciji policija–tužilac–sud, a na osnovu postojeće IT infrastrukture

**Aktivnost 5.3** - Provesti pilot projekat za testiranje izvodivosti koncepta u praksi

## INSTITUCIJE



# KONTAKTI ČLANOVA TIMA EU4JUSTICE PROJEKTA:

**Isabelle Arnal,**  
voditeljica tima

☎ +387 65 172 121

☎ +387 33 879 914

✉ [isabelle.arnal@gip-jci-justice.fr](mailto:isabelle.arnal@gip-jci-justice.fr)

**Nejra Bašić,**  
menadžerica uredskog poslovanja

☎ +387 65 337 399

☎ +387 33 879 911

✉ [nejra.basic@gip-jci-justice.fr](mailto:nejra.basic@gip-jci-justice.fr)



**Adresa projektnog ureda:**

Muhameda Kantardžića 3/3  
71000 Sarajevo,  
Bosna i Hercegovina

**[info@eu4justice.ba](mailto:info@eu4justice.ba)**

**[www.eu4justice.ba](http://www.eu4justice.ba)**

**[#eu4justiceba](https://www.instagram.com/eu4justiceba)**